

**Zeitschrift:** Akzent : Magazin für Kultur und Gesellschaft  
**Herausgeber:** Pro Senectute Basel-Stadt  
**Band:** - (2004)  
**Heft:** 4

**Artikel:** S Mässgleggli uff em Martinsdurm  
**Autor:** Miville-Seiler, Carl  
**DOI:** <https://doi.org/10.5169/seals-842811>

#### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

#### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 18.07.2025

**ETH-Bibliothek Zürich, E-Periodica, <https://www.e-periodica.ch>**

# S Mässgleggli uff em Martinsdurm

D Martinskichen isch die eltschi Basel Pfaarkirche, aber wie si vor em Aerdbeebe vo 1356 uusgsee het, wisse mer nit. Noon em Aerdbeben isch si in dr hittige Form als dreyschiffigi Basilika baut worde. Syt emen Umbau vo 1851, wo dr Lättner het miessen eme Konzäärtpodium wyyche, wird die Kirche fir Konzäärtnutzung gnutzt, au fir dr Dies Academius. Die underschte Dail vom Durm geien in s 12. Joorhundert zrugg. Scho ane 1450 het dä Durm e Dachryter gha. Drin hange zwai glaini Glogge uus em 15. Joorhundert. Aini drvoo isch d «Rootsheere-glogge»; mit iire sinn friener d Rootsheere zer Sitzig gruefe worde. Wäge-däm stoot uff ere «ich lüt mit schalle und rufet dem rat alle». Drnäabe hangt aber e ganz e bsunder Gleggli: das, wo jedes Joor am Samschtig vor em 30. Wintermoonet (Novämber) zmidaag am zwelfi d Mäss yylytet. Dasch dr Augebligg, wo d Kinder uff em Seybi uff d Baane zäpfen, well die eerschi Faart gratis isch.


## Zwai Händsche fir dr Mäss-Glöggner

Syt wenn s Bruuch isch, em Mäss-Glöggner – friener allwäag em Durmwächter – bim Ylyte vo dr Mäss e Händschen und bim Uuslyte dr zwait z gää, isch nit bekannt. Hittigdaags goot das esoo zue: Am Samschtig vom Mäss-Aafang stygt dr Glöggner – das isch syt ane 1989 dr Franz Baur – mit e bar Gescht am halber zwelfi zmidaag in d Durmstuuben uffe. Deert saage dr Glöggner und dr Präsident vo dr Freywillige Dänggmoopfläag – das isch zer Zyt dr Balz Settelen – e bar Wort, und dr Präsident git em Heer Baur dr lingg schwarz Wulle-Händsche. Dr Glöggner macht s Fänschter geege dr Martinskirchblatz uff und bloost en alt polnisch Griegsheernli. Dunde steen e Huuffe Lyt, au Kinder, und mit däne zellt dr Glöggner luet vo ains bis zwelfi. Und drno – punggt zwelfi – lytet er mit syner Händsche-Hand e Viertelstund lang s

Gleggli. Zwai Wuche speeter findet s glych Zeremoniell wider statt; numme het s drno nimme so vyl Lyt uff em Blatz unde. Und doo bekunnt drno dr Glöggner vom Präsident dr zwait, dr rächt Händsche. En alt Gedicht druggt d Fraid vo de Kinder an dr Mäss esoo uus:

*«S Mässgleggli han y gheere lyte,  
dr Käschberli isch wider doo.  
Geschtert han y vo dr Gotte  
schon e Batzen iberkoo.  
Soll y ächtsch uff d Ressliryti  
oder in e Buude goo?  
Doch: e Mogge muess y haa –  
Nai, y gib s em Oergelima.»*

Carl Miville-Seiler



## D Basler Mäss bis 2010

- 535. Messe am 29. Oktober 2005
- 536. " " 28. Oktober 2006
- 537. " " 27. Oktober 2007
- 538. " " 25. Oktober 2008
- 539. " " 24. Oktober 2009
- 540. " " 23. Oktober 2010